

初續再續合刊

醒廬詩集

廬江徐自明醒民著

醒廬詩集序

詩是文學之精華，古來讀書人莫不學詩。孔子說：「詩，可以興，可以觀，可以群，可以怨。」學了詩，既能抒發個人志氣懷抱，亦能觀察萬物變化遞嬗；既可學習人際和睦，亦可一吐胸中塊壘。正因為詩教溫柔敦厚、中正和平，所謂「哀而不傷，樂而不淫」，故即使責備勸諫，往往點到為止。孔子之全人格教育，主張「興於詩，立於禮，成於樂」，甚至說：「不學詩，無以言。」可見詩學之重要。

臺中蓮社創辦導師 雪廬老人，融貫儒佛之學，尤擅長於詩。數十年講演儒佛經典，無有間輟，而兼弘傳詩學。主張現代知識分子，雖未必然人人學會作詩，卻不能不懂詩。歲次癸卯（一九六三），醒公三十六歲，以強健之年，移居臺中，為受教於老人，其於學習儒佛經典之餘，遂亦兼帶學詩。如是浸淫者有年，深造有得，遂獲薪傳，不但自己懂詩，亦能作詩，甚至代理老人於中部大專院校講詩教詩。然亦仍稟師教，以修習聖學為主，尚不敢自作詩也。

迨老人生西，而公亦已近花甲之年，修學

益加精醇，或覺涉事足以不妨於理，故自丙寅（一九八六）年起，直至壬寅（二〇二二）年二月，往生前四個月止，即陸陸續續而有詩作現於世。或獨攄胸臆，或感慨時局，或激勵學子，或勸喻世人。其中有近體，有古體；或絕句，或律詩；有五言，有七言，乃至酬酢婚喪喜慶諸類對聯，各種體裁，不一而足。醒公在世時，已有《醒廬詩集》和《初續合刊醒廬詩集》兩種出版。今逢生西滿一週年，蓮社同仁擬蒐集全部詩作，併前正續刊行流通，以資紀念。其於挽救末世澆漓頹風，當大有裨益焉。是為序。

中華民國一一二年歲次癸卯

夏曆五月廿九日

受業弟子希仁吳聰敏謹識於靈巖書樓

醒廬詩集序

序·一

醒廬詩集目錄

贈音樂教師葉子大沛

一

贈雲溪李師兄小玉石獅

贈蓮友林貞秀

憶師傅公世銘

二

夢師雪廬老人

贈湘生皮雅玲

為新民高中陳金潤老師占夢寶虛二字

國誠道兄
妙鈴賢具壽
結婚之喜

三

光傑道兄
麗明賢具壽
結婚之喜

訓畫翁張公石巢贈畫

題東海覺音學社廿五周年慶特刊

題中國醫藥大學醫王學社第三十一屆學刊
四

送蔡榮華歸馬來西亞

贈醫藥大學醫王學社諸仁者

贈醫王學社諸賢士

次韻訓故里同窗黃夢飛贈詩
五

贈崇政黃仁兄新民高中金潤陳老師

訓故里同窗黃夢飛來書

頌東籬菊
六

轉凡入聖

印祖開示持念

讀印祖文鈔

讀印祖法語
七

楊雨河書法展觀後

涂士文國畫展觀後
八

慧炬雜誌社五十周年誌慶

省立臺中圖書館長陳公祖榮擅作詞屆齡榮退

興大智海學社三十周年慶

又讀祖師法語

九

東海覺音佛學社歌

靜宜東哲佛學社二十五周年慶

周瑜墓園激詩應作二首

一〇

送陳嘉興回馬來西亞任教僑校

民國八十二年六月一日歲次第二甲戌還鄉掃墓

與二弟小弟重聚又言離

一一

還鄉聞姊凶年餓死哭之

次韻誄詩翁李慶榮贈詩

次韻誄詩翁李慶榮贈詩二首

一二

還鄉過合肥訪詩翁周孝杰

讀詩翁周孝杰飄蓬第三集

次韻誄黃子夢飛贈詩

一三

乙酉之春訪故鄉廬江佛教居士林

故鄉廬江楓葉冬日猶紅

一四

丙子孟冬再度還鄉探親留別黃夢飛以及李慶榮

詩翁周孝杰喪偶弔之二絕

三度故鄉行贈黃夢飛

一五

夢中月色

次韻誄黃夢飛贈詩

一六

贈山東齊素萍居士

和潘祖武學長丙戌歲末有感次韻

贈安徽同鄉會總幹事王健傑鄉長

拜讀鄉賢劉克寬詩翁采晴樓詩詞集二首

同窗黃子夢飛棄世故里半半後始聞知哭之

送大敬法師赴神州講儒學

成都雪廬書院成立誌慶

民國第二乙未年十二月十六夜夢還鄉夢中偶成

贈黑龍江省哈爾濱市尚志碑林

拜讀先師朱氏詠菽堂全集

贈山東齊素萍居士

和潘祖武學長丙戌歲末有感次韻

贈安徽同鄉會總幹事王健傑鄉長

拜讀鄉賢劉克寬詩翁采晴樓詩詞集二首

同窗黃子夢飛棄世故里半半後始聞知哭之

送大敬法師赴神州講儒學

成都雪廬書院成立誌慶

民國第二乙未年十二月十六夜夢還鄉夢中偶成

贈黑龍江省哈爾濱市尚志碑林

拜讀先師朱氏詠菽堂全集

民紀八十四年歲次第二乙亥年閏八月中秋野望

無常

退休野望

中興大學智海學社三十五周年社慶

聽鄭正華教授吹笛簫

贈王亮之炯如師兄

贈謝昭成師兄

題醫王學社第三十四屆學刊

贈牙醫師黃志銘仁兄

贈陳宗仁賢者

題鄭慈女史牡丹白頭翁圖

鳳全大居士
喬雲賢世合 結婚之喜

二三

權威牙醫陳尚德居士遊學南京得中醫博士榮歸

大鏡歌

旅美湘籍詩人潘力生先生暨其夫人成應求女士

九秩雙慶

二四

讀何玉貞師姑冬青詩集

題王梅南女史四蓮圖

興大智海學社四十周年大慶

二五

臺中師院勵德學社社友會刊出版

扇

蓮岸

二六

醫王學社四十周年校外共修會十一周年慶

為大敬法師題扇

應朱菩提師兄邀作放生護生二首

放生

護生

二七

題鄭慈女史竹林七賢圖

題鄭慈女史蓮花圖

送大敬法師赴神州弘法

二八

鹿港佈教所五十周年慶

讀真華老和尚汙化雜記及參學瑣談

淨空老和尚八秩大慶

二九

臺北淨廬念佛會三十周年慶

贈蔡三得醫師

道友

鄭宏章
陳嘉瑩

結婚之喜

三〇

埔里圓通寺聖照老和尚退居

范象耕世兄
廖美怡女史

結婚之喜

荷

三一

訪淨公老和尚於澳洲圖文巴山房暨淨宗學院

題陳尚德醫師蓮花圖

三二

題阮克敏九蓮圖

題謝嘉峰師兄亦蓮山莊

贈中麗念佛會

三三

題鄭慈女史寒林觀杖圖

題鄭慈女史山水圖

贈道友劉俊麟皮膚科醫師

三四

澳洲淨宗學院成立二首

題鄭慈女史溪山尋訪圖

三五

一諦書會書法聯展觀後

題鄭慈女史雲山觀瀑圖

民國九十年第二辛巳仲冬遊南投風櫃斗二首 三六

賞梅

觀龍梅老樹

訓馬來西亞孔教會主席沈慕羽書贈聖言蒙以養正

聖功也 三七

贈社教科脩學周易諸生

贈洪禎士李碧蓉師兄

讀許文彬師兄詩集二首 三八

會公性法師八秩大慶

謁南投水里蓮因寺懺公雲師

臺北淨廬導師周公宣德紀念歌 三九

贈牙科陳尚德醫師

為馮學利居士題扇 四〇

為施麗花居士題扇

周易開卷頌

周易無盡觀贈江錫光鄭淑娟邱國棟麥皓婷吳姿誼

諸君子

臺中技術學院等觀學社四十周年慶 四一

印祖法像贊

太虛大師法像贊

助念意義講於臺中市佛教蓮社助念團大會

讀中庸

四二

民紀第二辛卯新春遊谷關觀千二百丰神松

觀王瑋中師兄國畫展

一誦書會丁亥之夏書法聯展觀後

四三

贈焦國寶師兄

潛龍頌贈張清泉師兄

謙卦解贈同窗吳碧霞

四四

敬觀江逸子師兄作極樂變相

贈易學者

敬觀江逸子師兄塑雪廬老人法像

極樂微風贈陳文鏗游瑤君二賢者

聖照會性二師法像贊

四五

臺中市佛教蓮社何玉貞師姑百齡晉一大慶

讀幹校戴華山教授贈大屯小記

蓮社玉貞何師姑百齡晉一之丰跌傷後夢中見明暗

二路以及清淨河流解之

四六

聖照會性二老法師合照法像再贊

賴謝妙老居士念佛生西舍利贊

訓書畫家黃世傳贈墨寶

四七

讀易吟龍贈大敬法師

贈基盛印刷工場

訓五淅弘道高士吳慕亮贈書贈詩

四八

次韻訓隆中吳慕亮高士見贈

辛卯春遊谷關觀神松題贈神木谷大飯店

臺北淨廬念佛會三十五周年大慶

四九

題江逸子四色蓮華圖

次韻訓隆中吳慕亮見贈

龍吟

五〇

中國醫藥大學醫王學社五十周年大慶

讀論語樂水樂山章

讀易繫辭傳乾坤其易之門

求生極樂須願再來

五一

一念頌民國一百有二年一月講于沙鹿念佛會

桃園蓮池念佛會念佛堂落成致辭

讀隆中高士吳慕亮著周易尚占玄微

五二

讀論語講要

論語味

讀王亮之炯如師兄先令尊瘦鶴詩文集

五三

臺中市太平區念佛堂新居落成誌喜

建裕世兄
莞兒小姐 結婚之喜

贈桂林富宜二位賢伉儷

五四

守善
總萍 二位賢世合結婚之喜

讀吳逸叟慕亮大滬著神臺孔廟之探索

讀同寅彭基潤兄初廬詩稿

五五

鹿港佈教所六十周年大慶

民國第二乙未年臘月應邀往南投信義鄉看櫻花

不勝感慨二首

五六

台北淨廬念佛會四十周年大慶

贈楊東儒復健大醫師

五七

贈陳文秀中醫名師

紀念雪公歸西三十周年音樂會

新社念佛堂落成

五八

幹校畢業六十年

贈上海社會科學院文學研究所劉軼教授

淨空老和尚九秩晉一華誕

五九

九十抒懷

次韻誄國畫大師江逸子贈八十偶占

次韻誄同窗吳省常贈詩有省

六〇

吾師鐸公生西已三十年追思教誨敬撰絕句一首

識之

憶臺北圓山臨濟寺白公聖師

贈佛光山星雲法師

六一

妙音居士作地獄因果圖鑑

讀王炯如師兄著現報錄

詠梅

六二

夢見雪公

夢見黃夢飛二首

詠松

六三

苦樂頌

詠竹

六四

贈中華無盡燈文化學會

松竹梅三友頌

六方沙界吟

六五

酉丰頌雞

地震

六六

今人

六七

菩薩蠻

次韻訓詩翁周孝杰初會贈詞浪淘沙

六八

次韻訓詩翁周孝杰贈詞相見歡

次韻訓詩翁周孝杰贈詞鷓鴣天

次韻訓詩翁周孝杰贈詞采桑子

六九

臺北淨廬念佛會二十五周年慶

次韻訓詩翁周孝杰淝水送別贈詞折桂令

七〇

吉利念佛

醒廬詩集續集目錄

幹校第四期同學畢業六十年聯誼會宴

七三

鄉賢汪興智書畫作品集一老松

民紀一百有六年八月六日遊溪頭觀大學池

七四

贈先業師雪公大孫女珊師姐暨其夫君向東劉先生

贈先業師雪公次孫女彤師姐暨其夫君文兵蕭先生

英國威爾士大學成立漢學院

七五

贈英國漢學院塘公院長

江蘇宜興竺山福善寺靈繼大和尚開山五周年暨

菩提講堂落成之慶

七六

朱菩提師兄邀作放生五首

其一班文鳥（烏嘴畢仔）麥田張網捕捉百隻裝一箱

其二螺螄

七七

其三珠頸斑鳩

其四螭（蟹類）

其五錢鰻

七八

讀涂芹庭教授詩卷

訓觀顯堂王若庭高士贈詩

讀淨空老法師九十年譜

七九

贈段鑄道長馬祖珍師姊賢伉儷

淨公老和尚弘法六十周年

八〇

讀張人俊學長戎馬回顧錄

讀吳道文學長歲除閒話守護神

憶師熊公復光

憶師蔡公藻廷

八一

雪門胡秀美老師安詳往生

八二

勉修淨業

八三

弘儒

夢會黃夢飛

八四

英國威爾士大學漢學院周院長春塘公生西頌

應朱菩提師兄邀作三居士生西讚

恭讀印祖勸發願詞敬書絕句二首表有似悟焉 八六

蒼蠅 八八

讀華夏道統源流圖

聽陳昭儒學童彈古琴 八九

慰安婦像立於臺灣 九〇

讀雪廬老人法語 九一

憶故鄉津師蔡公敬臣先生

憶表伯父錢公壽南 九二

贈同鄉老友葉子大沛婺源綠茶

淨空老和尚弘法六十周年 九三

華藏淨宗學會成立三十周年大慶

九十一歲生日偶成二首 九四

壽康歌

維摩詰經講畢即興二首 九五

孔漁成先生百年紀念會獻頌三首 九六

阿彌陀經開講綴言二首 九七

勝妙法師任英國威爾士大學漢學院長

又贈楊東儒復健醫師 九八

又贈陳文秀醫師

晨起讀易

行年九十二生辰

九九

世風不競兄弟相殘

讀曹植七步詩

大陸諸君子參與臺中蓮社一百八十年寒假明倫講座

結業賦歸歡送二首

一〇〇

大陸學道之士九位來訪

一〇一

贈四川高士王海涵

贈大陸來訪諸學道之士

一〇二

贈聯合國教科文組織淨空之友社

贈劉公泰階學長

憶劉公光澤先生

一〇三

贈東勢勢至念佛會

一〇四

民紀一零八年九月二十一日還鄉探親

自本弟配黃臘英一零八年二十四日凌晨安詳生西 一〇五

淨公老和尚弘法六十周年華藏淨宗學會成立三十

周年大慶

贈高雄青蓮念佛會

一〇六

贈戴昌成醫師

贈悟忍師

一〇七

贈如鴻黃師姐

贈祝東敏世兄

家訓二首

一〇八

八月十五月色

突聞老友張立中辭世哭之

一〇九

夢登泰山

臺中蓮社己亥圍爐

肺炎災

一一〇

故園情景

東海大學覺音學社五十周年大慶

一一一

會公法師菩提老友合照法相

吳公延陵慕亮為其高徒秀財網廖英琪索題二首 一一二

孟謙
萱錡世兄結婚之喜

吳公慕亮攻易學激詩應以七律一首

端午節詩人節山東三大吟壇激詩應二首 一一三

端午吟

詩人節頌

台灣選舉

一二四

讀項羽本紀

九十三歲吟

展望

一一五

水災

讀否泰二卦

夢

一一六

讀史二首

霸道

一一七

東勢勢至念佛會四十周年大慶

贈葉子大沛綠茶

又贈勢至念佛會

一一八

示凱玲

醒廬詩集再續集目錄

韶廷世兄
涂昱小姐 結婚之喜

一一九

詠竹贈景霞凌師姐

贈民間公證人林貞秀

一二〇

東勢勢至念佛會四十周年大慶

鹿港佈教所六十五周年大慶

九十四歲吟

一二一

謝公昭成興建園圃

又九十四歲吟

又九十四歲吟

一二二

贈李公明哲先生

伯安棣入臺灣大學脩中文博士

訓王公炯如師兄

一二三

贈石家莊丁艷菊居士

訓吳道文學長贈其所著西方藝壇大師小傳

蘇州靈巖山圖

一二四

霧峰佈教所重建落成之慶

贈瀨明家園同修會

一二五

贈雲南昆明夏易平居士

題朱子菩提師兄謁靈巖山明學長老合照

雪公創辦明倫月刊至今五十周年誌慶

一二六

贈美齡具壽及其令妹

訓新竹五洲文化會館吳公墓亮

蘇州學道書院題辭（代大敬法師作）

一二七

（缺題）

（缺題）

孫嘉佑善童子安詳往生

一二八

贈有發大居士

憶師鐸公

一二九

海峽

蓬島有是醫

黑鷹直升機墜毀烏來山區

一三〇

悟莊法師在澳洲建淨宗學苑漢學院弘揚五經四書

雪公教曰不使衆生起煩惱

贈心亮律師

一二一

贈林永義道長

贈周氏家權高士

夢

一二二

早

雪公常入夢

幹校四期畢業六十有五丰宴會

一二三

哀悼李登輝

贈製帽廠魏世明廠長

一三四

（缺題）

贈四川成都百家堂姓氏文化博物館

贈四川綿竹吉祥寺住持宗誠法師

一三五

贈四川王海涵高士

四川綿竹吉祥寺觀音閣對聯

民紀一百一十年四月二日火車太魯閣號出軌重災

前此黑鷹戰機墜毀

一二六

新冠肺炎

台灣省立台中圖書館五任館長

聞景霞凌師姐注生極樂世界

一三七

肺炎風火

一三八

訓五術師吳公墓亮

疫苗

一三九

（缺題）

故園小景

中秋月二首

一四〇

讀世姊王氏梅南敘母凌氏景霞注生極樂文

夢

訓延陵堂吳公墓亮

法像

一四一

訓炯如師兄贈雪公早丰與諸弟子在溪頭合攝

論語講習班第十九期學員結業二首

一四二

民紀一百一十年辛丑十二月台中蓮社圍爐

寅虎年

一四三

訓孔公垂長夫子賀丰卡片

台中蓮社道風

一四四

九十五歲吟二首

明倫講堂在大坑興建落成

一四五

鹿港佈教所六十八周年大慶

聖照老和尚紀念堂對聯

聖照老和尚銅像聯

一四六

藝能會所（代心亮法師作）

讀論語堯之為君章偶成一聯

苗栗獅頭山勸化堂董事長之父真修老沙彌長者

一〇六歲注生輓聯

為南投縣魚池鄉實際蘭若撰聯（住持海山師）

一四八

為南投縣埔里鎮寶昭精舍撰聯（住持如道師）

代紀潔芳紀海珊師姐作輓母聯

吳逸叟慕亮大德治易謹綴詩一首呈請教正

一四九

國寶師兄
月娥女史 結婚之喜

信萱世姊
Matthew Baker 先生 結婚之喜

（缺題）

一五〇

教女婿志萍長女美玲

贈教師琦雯二首

隆華
怡安 結婚之喜

一五一

醒廬詩集

廬江徐自明醒民著

贈音樂教師葉子大沛

古港居來不計秋
滿庭芳李悅溪鷗竹絲聲裏鄉關遠
春到江南一返遊

贈雲溪李師兄小玉石獅

威力從何起
陰陽不測中高岡
纔一吼萬壑樹生風

贈蓮友林貞秀

寶池德水結清根
瓣瓣流香散遠村
四色妙光纔入定
曼陀華雨滿乾坤

憶師傳公世銘

昔抱韋編從步遊只今唯仰碧山丘
乾坤門鎖雲煙裏密意深藏何處求

夢師雪廬老人

蓮邦無計問高栖夢裏時逢棒喝迷
醒後更殘思不盡綠川東岸柳川西

贈相生皮雅玲

瀛海蒼茫水江河日夜流得時龍化雨
故國灑平時

為新民高中陳金潤老師占夢寶虛二字

此寶無人識深藏在密中清宵嘗夢見
覺後遍虛空

國誠道兄
妙鈴賢具壽
結婚之喜

琴瑟和諧唱友之關雎伴詠在河湄
志存聖教倫常道同學周南第一詩

光傑道兄
麗明賢具壽
結婚之喜

好學周南結晉秦抒情言志不同塵
詩書有味風歸厚弘護人間第一倫

訓畫翁張公石巢贈畫

筆發桃溪色心思五柳賢時時造山水
處處渡漁船

題東海覺音學社廿五周年慶特刊

江海風濤險猿鴻曲調乖梵鐘流響處
萬籟總歸諧

題中國醫藥大學醫王學社第三十一屆學刊

一林杏萼雨中開盡是憂人愈後栽藉引西方功德水
普施火宅種蓮胎

送蔡榮華歸馬來西亞

靈山泗水道無窮禮樂洪名俱得中一化南洋知有自
綠川微雨柳川風

贈醫藥大學醫王學社諸仁者

仁術勤脩在上庠悲心不止愈膏肓更求西蜀松泉水
洗盡塵寰人面瘡

贈醫王學社諸賢士

岐伯施仁術羣生四體安膏肓三毒染治以大仙丹

次韻訓故里同窗黃夢飛贈詩

分袂江城數十秋鵑聲引夢聚廬州天涯應約春回里
執手相看霜滿頭

贈崇政黃仁兄新民高中金潤陳老師

東風徐拂柳垂絲李白桃紅發翠枝潤物無聲微雨至
一園畫境好題詩

訓故里同窗黃夢飛來書

江城憶舊發清辭雁至長懷夜漏遲回首前塵多往事
再烹新茗啜移時

頌東籬菊

蒹葭秋水路洄長一片西風百草霜尚有東籬花意暖
衝寒夾岸可聞香

轉凡入聖

熟念彌陀便可生要由平日轉凡情五洲山水如詩畫
不比蓮鄉鳥樹鳴

印祖開示持念

字字從心起聲聲入耳根洪名一念熟法爾出乾坤

讀印祖文鈔

淨宗最妙是持名心地工夫在敬誠一念彌陀一相應

西方了了見分明

讀印祖法語

一句洪名亦是禪直心念去萬行圓清珠入水源頭淨
遠望蓮池在眼前

楊雨河書法展觀後

筆走龍蛇不可方褚風蘇韻板橋霜山陰道士如相見
再送白鵝換寶藏

涂士文國畫展觀後

攬勝黃山頂尋奇碧海濱歸來寫梅竹不染一纖塵

慧炬雜誌社五十周年誌慶

道挽人倫濁世中文弘般若立高風蒼生業海歸何處
西指遙遙一炬通

省立臺中圖書館長陳公祖榮擅作詞屆齡榮退

杏壇柱史兩崇功歸賦新詞興不窮柳岸曉風吟未已
放懷又唱大江東

興大智海學社三十周年慶

海色藍無際掛帆三十年偶然一回首處處是青蓮

又讀祖師法語

一句彌陀無上禪直心念去萬行圓清珠入水源頭淨
鳥語微風妙色蓮

東海覺音佛學社歌

泱泱東海純純覺音濟濟多士和悅同心
勤脩學業日益精深胸懷淨域足立儒林
自他化育遍雨甘霖前程無限造詣從今

靜宜東哲佛學社二十五周年慶

學在靈山泗水鄉恆沙世界入經囊詩書貝葉開心眼
洞見蓮池照夕陽

周瑜墓園澍詩應作二首

兵符音韻美英豪救蜀興吳破魏曹三國曲終人盡散
故園高臥聽松濤

論曹具眼折羣雄大計姻劉一美功赤壁江濤流不去
丹心千古語東風

送陳嘉興回馬來西亞任教僑校

一肩貝葉一肩詩返饋僑鄉去莫遲聖道無窮學有序
好從禮樂作人師

民國八十三年六月一日歲次第二甲戌還鄉掃墓

年少天涯去白頭海外還斑衣無舞地菽水薦青山

踏草思先澤撫碑想故顏強扶衰體起暮色滿林間

與二弟小弟重聚又言離

連枝分梓里滄海一飛鴻相憶猶年少重逢竟老翁
人隨天地旅物自水流東他日蓮鄉會常爲不散蓬

還鄉聞姊凶讎餓死哭之

昔念人長久今知一餓終蒼天無雨粟赤地有哀鴻
飢火充虛宅悲氛聚上穹遲歸豐饌祭哭聽怨山風

次韻訓詩翁李慶榮贈詩

故里翻爲客尋丘滿眼山遠天鴻肅肅近澗水潺潺
往事雲煙裏前塵蝶夢間難忘耆舊意相勸歲時還

次韻訓詩翁李慶榮贈詩二首

白髮還鄉日山青水碧流
喜逢一詩叟今古話從頭
五十年間事邯鄲一夢遊
黃梁新煮熟不用酒消愁

還鄉過合肥訪詩翁周孝杰

傾慕吟壇久欣逢別有天庭園
無雜樹室畫出溪煙
啜茗知風味聞琴識五弦
辭行相見月不辨是何年

讀詩翁周孝杰飄蓬第三集

興觀羣怨事盈寰詠作飄蓬心自閑
最慕肥城周孝老
詩如秋澗水潺潺

又

飄蓬三集讀三環情味珍饈齒
頰間欲覓其真何處是
國風雅頌見斑斑

次韻訓黃子夢飛贈詩

不計歸來道路長暫休海外四時忙
詩書鼎銘西窗燭
最是難逢在故鄉

乙酉之春訪故鄉廬江佛教居士林

潛川映月照歸心夢裏家園何處尋
一念洪名天欲曉
微風鳥語上高林

故鄉廬江楓葉冬日猶紅

故里楓林暖冬來葉尚紅天涯一回首滿面沐春風

丙子孟冬再度還鄉探親留別黃夢飛以及李慶榮

衰老猶居海一方追根天際再回航故鄉月色他鄉夢
昔日春暉此日霜三板橋頭觀逝水黃山寨上望參商
相逢親友還相別更起離愁對折楊

詩翁周孝杰喪偶弔之二絕

拜讀飄蓬最慕賢南風琴瑟晚風天忽聞六呂音沈寂
悵望西山鎖暮煙

遙知比翼折晴空影落江流竟付東造物有心當眷佑

茫茫天地一詩翁

周夫人洪德英能詩會音樂與夫齊賢人皆讚美

三度故鄉行贈黃夢飛

雲開天淨好歸鴻俯仰馮虛四境通遊遠乘桴滄海闊
還鄉行健碧長空桑麻話裏親親意故舊音中款款風
莫道流光催世異尋根今古一心同

夢中月色

鄉關有路海雲橫此夜無邊月色明覺起推窗山隱隱
似聞杜宇夢三更

次韻訓黃夢飛贈詩

四度回來喜話長暫拋客地六時忙
法書鐘鼎挑燈說今古弘文一筆揚

贈山東齊素萍居士

蒼茫海峽暮雲迷浪捲西風天欲低
但願長流洙泗水春來化作武陵溪

和潘祖武學長丙戌歲末有感次韻

梅嶺花開又一年烏龍雙井合壺煎
春來海峽風和日兩岸同爲七椀仙

宋黃庭堅居處有雙井土人汲此井水造茶味好謂爲雙井茶

贈安澍同鄉會總幹事王健傑鄉長

梅花逆旅又迎春西望關山月半輪
幸得新年同祭祖相逢盡是故鄉人

拜讀鄉賢劉克寬詩翁采晴樓詩詞集二首

鯤島從爲客詩翁更遠行美洲風景好
還憶石頭城又幸逢耆老鄉心賴以平
子規啼雨夜諷詠一樓晴

同窗黃子夢飛棄世故里半丰後始聞知哭之

噩耗忽聞難置信潛然追昔不勝悲
蕪湖風景郊遊處故里尊翁授課時
海外夢看非皓首肥城執手悉霜眉
人間萬事皆生滅願子生西無滅期

送大敬法師赴神州講儒學

已識廬山路又知泗水鄉
錫飛超峽海鐸響過潯陽
覺法通儒說人倫是道場
水田衣廣被禹甸藕飄香

成都雪廬書院成立誌慶

一畫羲皇太極開性天
桃李校園栽瓊枝翠葉懸佳果
爲教羣生學聖來

民國第二乙未年十二月十六夜夢還鄉夢中偶成

生逢世亂去天涯幸遇蓬萊且作家
縱有華宮高帝闕不如舊宅繞桑麻

贈黑龍江省哈爾濱市尚志碑林

羲皇一畫定乾坤混沌初開太極門
十翼繫辭能以入中華聖學至爲尊

拜讀先師朱氏詠莪堂全集

師事虛雲友雪僧傳經暗路作明燈
人天長夜開心眼九品西蓮逕上登

民紀八十四年歲次第二乙亥年閏八月中秋野望

秋山靄靄暮雲橫天際歸鴉莫辨行
但使清川邀玉月江河滄海一時明

無常

無常觀世界惻隱視羣生
念得洪名熟蓮華照眼明

退休野望

卸甲還文又咏歸
海天時有墨雲飛
鵑聲久喚鄉關遠
隱隱西山冷翠微

中興大學智海學社三十五周年社慶

無際洋中無量船
西航遙指彩光天
相期滿度蒼生後
一照渾同大鏡圓

聽鄭正華教授吹笛簫

一聞大笛與鳴簫
似過鄉關澗水橋
又若濤來天地外
客心洗去最逍遙

贈王亮之炯如師兄

禮樂丹青授業還
心棲菡萏最清閑
興來寫得蓮池意
妙潔香光悅世閒

贈謝昭成師兄

人間好景晚天晴
山繞輕嵐水作聲
最是長空雲散後
一輪淨月萬川明

題醫王學社第三十四屆學刊

信手拈來皆妙藥
和盤托出盡奇方
西齋詩裏伽陀味
悉在無量光壽鄉

贈牙醫師黃志銘仁兄

鷺峯一望剎無涯
欲辯人王數海沙
難得杏林春意暖
不憂齒豁誦蓮華

贈陳宗仁賢者

蓮鄉西望廣無邊
樹見微風水見天
鳥出和音人永壽
洪名念得一心圓

題鄭慈女史牡丹白頭翁圖

天香國色出瑤臺
翰墨能移勝地開
美滿君臨花世界
遠方更有白頭來

鳳全大居士
喬雲賢世合 結婚之喜

天成嘉耦案齊眉
喜唱周南一卷詩
繇脤雅言家道遠
光弘禮樂世風移

喬雲是王志賢師兄之令愛

權威牙醫陳尚德居士遊學南京得中醫博士榮歸

天行跨海究岐黃
載譽南歸出大方
不作人間賢宰相
杏園蓮岸普流香

大鏡歌

大鏡混沌古義皇
磨始明圓含江海
嶽光映斗長庚
塵染邊疑裂天風
體復瑩還期餘垢
盡一照五洋平

旅美湘籍詩人潘力生先生暨其夫人成應求女士

九秩雙慶

美境居來不計年
南風起唱最陶然
花開木落隨時序
鶴髮童顏作詠仙

讀何玉貞師姑冬青詩集

心遊壽國得遐齡
且借南風詠性靈
篇什宣流山水樂
霜川雪嶺一松青

題王梅南女史四蓮圖

香光四色絕塵埃
認得西天水上開
借問如何遊此地
丹心使翰遠邀來

興大智海學社四十周年大慶

大道脩爲般若舟
蒼生度向海西頭
行年不惑能觀遠
壽國風光善導遊

臺中師院勵德學社社友會刊出版

鷺嶺巍巍泗水長
無邊風景著文章
宏觀遠指蓮華岸
普爲羣生作導航

扇

時維流火月氣盛
人相咄邀君徐喚
風熱惱斯消歇

蓮岸

人無歲限地無邊樹詠微風水映天使閱恆沙優異景
蓮華世界最爲賢

醫王學社四十周年校外共修會十一周年慶

仁術根於醫術王羣生不患病膏肓岐黃草木靈山雨
無比清心無上方

爲大敬法師題扇

似月輪藏半相從夏日長憑君一揮手熱惱現清涼

應朱菩提師兄邀作放生護生二首

放生

好入雲山覓爾親餘生劫後務敦倫莫瞋人世多張網
來作人間撒網人

護生

含靈同體不同羣曳尾潛鱗只自欣欲辯誰知魚性樂
相忘江海是何云

題鄭慈女史竹林七賢圖

茂林高節七名賢相詠宮商入妙絃欲見古人風雅會
只今唯在米家船

題鄭慈女史蓮花圖

葉色清如水凝爲明淨珠落於含識地種藕滿心湖

送大敬法師赴神州弘法

乘雲噓氣出滄溟
化雨能回草木青
德澤平施緣有趣
春風先送到堯蓂

鹿港佈教所五十周年慶

聖命聞來已曉然
生逢花發傲霜天
高蹤不共乾坤轉
一句洪名五十年

讀真華老和尚行化雜記及參學瑣談

行化文章伴錫飛
人天夜裏見光暉
十方拳轉乾坤曉
西望長河星斗稀

十方拳是真老所發明

淨空老和尚八秩大慶

耄歲恆言老於公
其豈然天行飛錫健
輪轉法音圓
苦海蒼茫眾悲心
無盡船已知離壽
相不礙祝松年

臺北淨廬念佛會三十周年慶

大道靈巖一脈傳
洪名持志立雲天
高廬展望三千界
極樂風光在眼前

贈蔡三得醫師

衰年骨曲能還直
難信人間有此功
問道醫王高尚士
方知妙手現神通

道友

鄭宏章
陳嘉瑩

結婚之喜

美滿姻緣六禮成
關雎琴瑟好音聲
畫眉相敬倫常道
瓜瓞田園在善耕

宏章是林資木師兄之外甥

埔里圓通寺聖照老和尚退居

安居淨舍息禪機
一念洪名響翠微
有興還觀桃李苑
飛花不落水田衣

范象耕世兄
廖美怡女史

結婚之喜

周南起誦美詩篇
琴瑟音和累世緣
最是今宵成嘉禮
菩提心種滿恩田

象耕之母是林淑美師姑

荷

妙色出清光
光中有妙香
人天長夜裏
一見壽無量
葉葉含多色
常流無礙光
天宮如火宅
見此化清涼

想見七寶池蓮

訪淨公老和尚於澳洲圖文巴山房暨淨宗學院

秋至南洲草若茵
高林曉日鳥鳴春
煙嵐時聚安禪苑
悲眼常觀苦業倫
錫轉五洋風浪靜
法流三界火蓮甦
閻浮滄海深難度
桴筏兼施不歇輪

台灣春三月澳洲則是秋天

題陳尚德醫師蓮花圖

葉葉如流無礙光似曾夢見寶池鄉若非妙筆丹心使
安得迢迢入此方

題阮克敏九蓮圖

葉葉如流無量光翰緣接入此荷塘相看九朵心花放
宛若西來妙潔香

此圖是朱菩提師兄從大陸請來

題謝嘉峰師兄亦蓮山莊

一句洪名亦是禪直心念去萬行圓清珠入水源頭淨
遠望蓮池在眼前

贈中麗念佛會

蓮宗最妙是持名心地工夫在敬誠一念彌陀一相應
西方了了見分明

題鄭慈女史寒林觀杖圖

霜葉飄零松欲凋袒胸觀杖自逍遙老來不識炎涼世
天地渾如一管簫

題鄭慈女史山水圖

嘗聞世外有高山未料相逢在此間水自懸流雲自岫
不知何處是塵寰

贈道友劉俊麟皮膚科醫師

蒼生天命玉膚顏久入塵埃不自還妙手一施回本色
杏林花發滿人間

澳洲淨宗學院成立二首

梵庠上國現殊緣帝闕龍宮俱仰賢末法能傳圓頓法
雲天淨處壽光天
同脩龍象自多方莫問他鄉與故鄉只作西來弘護使
塵寰處處妙蓮香

題鄭慈女史溪山尋訪圖

不聞雞犬與晨鐘樹繞輕嵐水掛峯山色溪聲忘遠近
扁舟且欲訪雲松

一諦書會書法聯展觀後

晉唐以溯散盤銘寫入時賢眼裏青難得諸君同一諦
山陰當換上乘經

題鄭慈女史雲山觀瀑圖

寒山木石翠巍峩上掛飛流下綠波疑是雲紗從碧落
隨風飄浣出銀河

民國九十年第二章巳仲冬遊南投風櫃斗二首

賞梅

色香不待雪凝寒
蘊自冰心氣似蘭
勝地春來知欲早
相期風櫃斗雲巒

觀龍梅老樹

如雪寒梅好作鱗
潛居南海不知春
時來雲起高飛去
萬象乾坤帶雨新

其樹身長如龍從山坡下彎超過山居屋頂

訓馬來西亞孔教會主席沈慕羽書贈聖言蒙以

養正聖功也

揮毫聖訓錫微軀
拜受猶如得寶珠
游藝能通夫子道
南洋濟世一鴻儒

贈社教科脩學周易諸生

寂然不動感而通
三絕韋編至聖功
君子有心勤展卷
乾坤萬法自圓融

贈洪禎士李碧蓉師兄

百千億土鄉關路
一句洪名故國舟
相勸天涯羈旅客
好乘歸渡在川頭

讀許文彬師兄詩集二首

雪公西去夜吟難
今讀君詩漏見殘
借況古人欣慕事
吳中美竹月中看

蓮社吟聲響綠川
事隨緣散縹雲煙
憑君一唱三彈淚
可教流光復現前

會公性法師八秩大慶

大藏弘傳入妙乘
石巖會閱作明燈
羣生識得西歸路
感戴人天一老僧

會公著作以大藏會閱最著

謁南投水里蓮因寺懺公雲師

蓮因梵宇一溪彎
齋戒弘開學士顏
來此三根皆得度

願師仁壽比南山

臺北淨廬導師周公宣德紀念歌

淨廬夫子肫肫周
公勤宣令德

儒佛圓融上庠結
社學士從風

獎文會友善導羣
蒙發行慧炬

光照無窮度輪常
轉西去還東

贈牙科陳尚德醫師

齒豁言容兩俱難
倉公再造固如磐
讀經念佛音無漏
不懼與人相見歡

為馮學利居士題扇

炎炎夏日長君喚金風早爲人驅暑氣自必無熱惱

為施麗花居士題扇

隨手生清風炎威去乃好問君所以然寒暑由心造

周易開卷頌

尋得韋編聖教門叩其入處在乾坤義皇勝景觀無盡

卷卻歸於一念存

周易無盡觀贈江錫光鄭淑娟邱國棟麥皓婷

吳姿誼諸君子

聞道義尼聖教門叩其入處在乾坤好風好景觀無盡

卷退歸於一念存

臺中技術學院等觀學社四十周年慶

聖凡平等心觀入由中道不惑菩薩行無量光壽考

印祖法像贊

老實念洪名敦倫敬本分塵寰欲頓離誠奉祖師訓

太虛大師法像贊

妙文三藏普弘宣特贊西方事理圓末法人間長夜裏

仰師智燭照中天

助念意義講於臺中市佛教蓮社助念團大會

一念能相應彌陀自遠迎臨終心不亂正助日常行

讀中庸

性寂無形何始有兩儀生起五行時率脩大道非求遠
念念中和事事宜

民紀第二辛卯新春遊谷關觀千二百丰神松

龍鱗蒼色越千年屹立青山綠水邊歲久爲神人景仰
好居東土讚西蓮

觀王瑋中師兄國畫展

妙筆由來不染塵驚峯洙泗久遊人溪山風景隨揮灑
聲色皆爲清淨身

一諦書會丁亥之夏書法聯展觀後

高會諸賢道自殊墨池秋水一塵無詩文禪法隨揮灑
字字觀來君子儒

贈焦國寶師兄

俱作天涯客情同志不孤晴宵思月色雨夜憶慈烏
古道西風疾荒郊勁草枯故鄉何處是夕照破迷途

潛龍頌贈張清泉師兄

滄海潛居不厭深興來噓氣自長吟雲從霄漢高飛日
萬物欣欣一雨霖

謙卦解贈同窗吳碧霞

羣峯峻峭可摩天
頂地消搖不露顛
識得乾坤平等性
鳥飛魚躍自常圓

敬觀江逸子師兄作極樂變相

海會羣賢悅聖顏
樹音鳥語水潺潺
翰池不與蓮池約
極樂誰邀到此間

敬觀江逸子師兄塑雪廬老人法像

恆沙世界性皆空
誰得吟爲雅頌風
只有靈山洙泗水
渾成天地一詩翁

極樂微風贈陳文鏗游瑤君二賢者

寶樹微風出妙音
譬如韶樂共詩吟
百千億土聞非遠
只在清涼一念心

聖照會性二師法像贊

苦海煙波裏西來
兩舵師揚帆施濟
眾安送到蓮池

臺中市佛教蓮社何玉貞師姑百齡晉一大慶

心在西方妙色蓮
賦詩遙指與羣賢
詠言晉一期頤後
尚有吟哦無限年

讀幹校戴華山教授贈大屯小記

大文屯記若琴聲
宛入秋山澗水鳴
今古塵寰無限事
泠泠化作一弦清

蓮社玉貞何師姑百齡晉一之丰跌傷後夢中見
明暗二路以及清淨河流解之

未至時歸安樂國還將大教化娑婆羣生暗路知明路
七寶清流入夢多

聖照會性二老法師合照法像再贊

火宅風煙緊玩童戲不離二師西向指彼有好華池

賴謝妙老居士念佛生西舍利贊

安詳往極樂舍利留娑婆婆賢哲何能爾資糧早備多

贈易學者

開卷韋編聞大道求其入處是乾坤恆沙萬象從何有

默會羲皇古至尊

訓書畫家黃世傳贈墨寶

繪事能揮山水樂最堪書法畫錐沙欲知墨迹如斯美

可問黃君大作家

讀易吟龍贈大敬法師

蒼茫海峽隱王宮晝夜江河競注東時至雲從登帝闕
平時一雨盡天功

贈基盛印刷工場

盛業非求與世同儒經梵典悅流通聖財八德蒸蒸日上
巧藝尤臻造物功

訓五術弘道高士吳慕亮贈書贈詩

術道深求息息通
權言教化實多功
坎離會復天心見
生滅無常悉掃空

次韻訓隆中吳慕亮高士見贈

雅言誦罷愧胸襟
訓句深思難以尋
亂世風人何處是
隆中高士出清音
文章篇什含真意
尊德問學貫古今
同作天涯流寓客
幸逢論道在明心

辛卯春遊谷關觀神松題贈神木谷大飯店

溪聲山色繞門前
日出神松冒紫煙
到此環觀殊勝地
超凡清淨養心田

臺北淨廬念佛會三十五周年大慶

高廬大法雪公傳
聖號持逾三十年
樂與人同西向指
微風鳥語壽光天

題江逸子四色蓮華圖

微妙顏開四色光
追根池水在西方
緣何來此人間世
爲使羣生知故鄉

次韻訓隆中吳慕亮見贈

拜讀新詩至慕傾
閒雲流水若天成
高才自現生花筆
盛德難藏濟世名
久住海隅爲異客
今逢有道會心靈
欲申敬意言何盡
默爾相知真性情

龍吟

洙泗源頭萬丈深
龍宮隱此作長吟
清聲落入乾坤裏
悉是宣流古聖心

中國醫藥大學醫王學社五十周年大慶

王者行仁術
蒼生慶得醫
更需洗心垢
法水在蓮池

讀論語樂水樂山章

山色蒼蒼溪有聲
微風和雅鳥宣鳴
仁人智者斯爲樂
海嶽天然一體清

讀易繫辭傳乾坤其易之門

門是乾坤何以入
尋磚好把一心敲
泥融水火爲堅塊

直叩陰陽轉六爻

求生極樂須願再來

極樂欣然去娑婆
願再來無邊生死海
度上寶池臺

一念頌民國一百有二丰一月講于沙鹿念佛會

輪迴惑業苦無窮
一念彌陀萬念空
忽見蓮池華正好
光芬搖曳動微風

桃園蓮池念佛會念佛堂落成致辭

久客娑婆不覺苦
隨波逐浪以爲常
洪名一念蓮華發
極樂原來是故鄉

讀隆中高士吳慕亮著周易尚占玄微

一迷太極兩儀生長夜漫漫雞不鳴讀罷易占天欲曉
猶聞鐘入覺王城

讀論語講要

魯論字字若醍醐灌入心中妄念無興至邀人同夜飲
長空俱見一輪孤

論語味

魯論細味如甘露化雨能清碧落塵有興邀朋觀夜色
廣寒玉兔轉無垠

讀王亮之炯如師兄先令尊瘦鶴詩文集

騰雲展翼詠遨遊風雅清如石流澗不習園禽鳴翠柳
但緣江海悅溪鷗

臺中市太平區念佛堂新居落成誌喜

洪名相繼泛蓮光子子孫孫聚一堂最是人倫通大道
至心念得壽無疆

建裕世兄
莞兒小姐 結婚之喜

夙世脩成今世姻關雎吟誦在河濱詩云淑女賢君子
端造人間第一倫

建裕是右松丁師兄之令公子

贈桂林富宜二位賢伉儷

桂子飄香遠，詹園樹木深。富而攸好禮，一讓覺羣心。

守善
總萍 二位賢世台結婚之喜

易曰：乾坤定詩，云琴瑟和脩，齊維禮樂。賢孝子孫多。

守善是陳清爽師兄之令子，總萍是許金女師姊之令愛。

讀吳逸叟慕亮大德著神臺孔廟之探索

至聖先師孔夫子，解疑季路問生死。博文約禮教之行，
業盡情空行乃止。束脩來學許其誠，不計賢愚貧富類。
春風化育百花榮，日暖欣欣多拔萃。讚稱堯舜從周文，
棲遑久遊列國君。列國君臣無語道，歸來雅頌合韶聞。

中華學術何爲本，一畫羲皇開混沌。混沌渾然非可名，
太極名之最平穩。曳杖消搖歌泰山，預知圓寂自心閑。
哀公作誅稱尼父，建廟形容留人間。廟貌神州布寰宇，
仁慈萬代儒宗府。詩書易禮指歸心，後無來者前無古。

讀同寅彭基潤兄初廬詩稿

鴻詩無處非溫厚，復取春秋筆凜凜。如勝景中觀觀不盡，
君今乃曰是初廬。

鹿港佈教所六十周年大慶

寶樹微風出妙音，鳥宣根力轉凡心。道弘鹿港行年順，
聽見西方和雅琴。

民國第二乙未年臘月應邀注南投信義鄉看櫻
花不勝感慨二首

姿容不讓蟠桃李但遜梅蘭古色香何處遷移來作客
尋根認得是扶桑

玉顏博得春遊客憾盛敷時不可長願汝枝頭西向指
微風鳥語壽無量

台北淨廬念佛會四十周年大慶

一句洪名在淨廬堅持不惑妄心除雪公教範弘揚處
光壽無量慶有餘

贈楊東儒復健大醫師

老來識得萬緣空未料腰椎患若弓能治明師何處是
幸逢妙手出神通

贈陳文秀中醫名師

仁術仁心拔疾苦不爲良相作醫王懸壺能解奇難症
妙法堪除人面瘡

紀念雪公歸西三十周年音樂會

管絃紀念雪僧公三十年來憶道風最是今朝殊盛會
娑婆極樂一音通

新社念佛堂落成

登堂只爲念洪名
自度同時度眾生
感得西方風景好
蓮池華放鳥和鳴

幹校畢業六十年

腰彎首皓萬緣空
世事茫茫一夢中
願得晨鐘西向指
池華燦爛樹微風

贈上海社會科學院文學研究所劉軼教授

遠望靈山開法眼
近觀泗水養中和
春風化雨栽桃李
濟世賢能君子多

淨空老和尚九秩晉一華誕

欣逢九十一德劭比松年
說法空花墜微風散大千
昌和諸外教相與結芳緣
度眾唯西指無量光壽天

九十抒懷

行年方九十仍客在天涯
荊棘征途滿夢魂
飛舊家恩師殊幸遇
舉目見蓮華
樂國雖遙遠往來無邇遐

次韻訓國畫大師江逸子贈八十偶占

墨緣八秩雪盈顛
仰止高山直接天
遠看西方如畫裏
樹風鳥語壽光天

次韻訓同窗吳省常贈詩有省

資糧道遠欣承諾淨域無疆任往來不有明師西向指
今生豈得出塵埃花飛葉落須當悟鳥語微風心眼開
俱是雪公勤教誨思恩好把寶蓮栽

吾師鐸公生西已三十年追思教誨敬撰絕句一

首識之

火宅濃煙裏兒童不肯離悲心無有盡來救到蓮池

憶臺北圓山臨濟寺白公聖師

公施法雨於臨濟普落羣生八識田講授楞嚴佛研究院
慧開智轉壽光天

贈佛光山星雲法師

昔從持念三重埔今仰高雄佛光山末法羣生何處去
願師引見壽慈顏

妙音居士作地獄因果圖鑑

地獄猛燒中外人不見火賴君作此圖眾生鑑因果

丁氏妙音作地獄變相淨公老和尚題為地獄因果圖鑑

並曰萬法皆空因果不空善有善果惡有惡報

讀王炯如師兄著現報錄

善知因果惡隨除殺業邪淫事不虛圖以宣傳諸現報
世人畏懼頌如如

詠梅

梅花五瓣香瓣瓣宣流廣聞者用心思引起出塵想

夢見雪公

午夢雪公相見悅諄諄開示悲心切不疑師在常寂光

寤寐一如無分別

時在民紀第二丁酉三月初五

夢見黃夢飛二首

西窗剪燭兩開顏不覺君歸在道山漏盡更殘知是夢

起身懷念淚潛潛

憶君久棄人間世墨迹留存人世間望壘沈思思不盡

散盤毛鼎讀循環

詠松

歲末嚴寒不欲凋身端心直仰雲霄追根深植高山裏

好教人間種爾苗

苦樂頌

客居堪忍不知愁六道輪回何日休極樂家鄉風景好

沈浮業海早歸舟

無有眾苦但受諸樂是阿彌陀經二句經文一句是說

眾生往生極樂者脫離娑婆一切痛苦二句是說生極

樂後但受一切歡樂此二句經足以啓發眾生信願行

三資糧是以頌之

詠竹

形體剛直節節空枝繁葉茂語天風謙虛接物人咸仰
禮樂諧和道得中

贈中華無盡燈文化學會

無盡明燈照大千光中妙有性中天悠然望見西方國
鳥語微風在眼前

松竹梅三友頌

青青針葉不先凋節節虛心可作簫歲暮天寒花盛放
三賢入世雪霜消

六方沙界吟

恆沙界外又恆沙莫問天文諸學家心佛眾生無有別
寂光盡攝現蓮華

酉丰頌雞

凌晨天黑獨高鳴不計人間夢裏驚喚醒塵寰長黯夜
東山放出大光明

地震

一九九九九二一中台夜半地大慄搖搖晃晃屋如舟
內外觀之黑如漆遠處傳來廣播聲始悉規模七點震
曉來相問災變區東勢西延至北郡博士樓陷眾慌張
莫明此難自何方追蹤折返抵於南南投仰望有高山
山高聳立疑有腳跨越縣界成聚落奇哉怪震誰能知
只好窮追第八識見迷相變變無窮窮而尚利不尚德
尚利爭權無已時慘兮致使人相食人禍天災何日休
儒經梵典勤學習善矣哉好好求學釋尊孔子乃大吉

今人

今人自許作英豪遠勝楊朱不拔毛爭利奪權無止境
飢民怨氣比天高

菩薩蠻

青黃赤白蓮華色、華開見佛三無別。眾鳥雅言鳴、令人
心地平。空中常作樂、風送恆沙國。極樂樂無涯、眾生歸
此家。

次韻訓詩翁周孝杰初會贈詞浪淘沙

海外慕高風、天際歸鴻、喜逢春日暖融融。執手相忘雙鬢雪、疑是還童。詩道問周公、雅興無窮、新詞吟贈感情濃。聲響雲端難唱和、仰望長空。

次韻訓詩翁周孝杰贈詞相見歡

嶠風海浪天低、鳥聲悲。斜落星河如帶綰相思。關山月、心難歇、景依依。遙想西窗剪燭待歸期。

次韻訓詩翁周孝杰贈詞鷓鴣天

莫問先生姓字詳、高吟聲裏柳條長。書齋雅淨詮真意、開卷溫良見素王。燈伴讀、月臨窗、詩詞作罷壁能

藏。窮經言志非逃世、樂在逍遙君子鄉。

次韻訓詩翁周孝杰贈詞采桑子

別來時序頻更易、蘭草芬芳、桂子飄香、每憶當初問樂章。

西望肥城山隱隱、又見秋陽、海闊天長、遙爲詩翁祝壽康。

臺北淨廬念佛會二十五周年慶

泗水洗塵心靈山、開淨目長空、西望裏、朵朵蓮華郁。遙指憑廬軒芸芸眾生福。

次韻訓詩翁周孝杰淝水送別贈詞折桂令

西窗裏一片離愁。人過廬江、心繫廬州。難得歸鴻、卻言分手、惜下高樓。念送別依依岸柳、潮湧落催客船頭。暮雲悠悠、知我心憂、船不停留。

在合肥市大酒店高樓宴別

吉利念佛

字字洪名從口出耳聞心起無放逸汝今雖是畜生身
終願西歸即作佛

吉利者狗也若干年前某晨在公園隨內人至寒舍內人
寵之為取此名吉利平日聞人念佛或豎耳而聽前夜吾

夢其念佛念得清清楚楚信有善根乃作此七言短古以
誌之並為回向

醒廬詩集續集

廬江徐自明醒民著

幹校第四期同學畢業六十丰聯誼會宴

萬載千秋同志青天白日照心房
征途勇往無他意
亂世狐羣競造殃
對鏡當年烏美髮
何時落下滿頭霜
相看人老胸猶壯
最是難逢宴一堂

鄉賢汪興智書畫作品中一老松

興來揮起如椽筆
寫出蒼松無限齡
競豔繁花飛落盡
獨留冬嶺一株青

民紀一百有六年八月六日遊溪頭觀大學池

長木森森大學池遊人馮岸立多時蓮光四色何當出
不負溪頭山水奇

贈先業師雪公次孫女珊師姐暨其夫君向東劉先生

道在靈山無見頂德游泗水絕纖塵巍巍雪嶺高風處
喜得承傳有後人

贈先業師雪公次孫女彤師姐暨其夫君文兵蕭先生

大道弘揚泗水邊茫茫業海渡生船雪公西去誰能繼

積善之家有後賢

英國威爾士大學成立漢學院

西風東漸已多時回饋從今尚未遲喜見倫敦漢學院
中文玉樹發瓊枝

贈英國漢學院塘公院長

漢學英倫立上庠追根遠古在羲皇由公出長培賢院
泗水無塵好起航

江蘇宜興竺山福善寺靈繼大和尚開山五周年
暨菩提講堂落成之慶

羣迷業海廣無邊濁浪高摩碧落天可歎浮生何所去
好登福善指歸船

朱菩提師兄邀作放生五首

其一斑文鳥（烏嘴畢仔）麥田張網捕捉百隻
裝一箱

求食麥田尋散粒忍人網捕入囚籠誰知雛餒思親苦
贖爾還巢與子逢

其二螺螄

淡水湖中寄軟身清流不染一纖塵願君避入廚湯火
好住深潭無問津

其三珠頸斑鳩

擇木巢居好避秦桃花引進武陵人從今勿再罹羅網
喬止丘隅有德鄰

其四螭（蟹類）

滄海深居絕世塵橫行利足未傷人緣何險作樽前味
贖汝還鄉善保身

其五錢鰻

身著錢衣作富翁
餌鉤引起禍無窮
問心莫受儻來物
湯鑊焉能得汝躬

讀涂芹庭教授詩卷

清茶靜坐讀君詩
四境無聲夜漏遲
信手推看窗外月
頓忘吟誦在何時

蓬萊料峭度春寒
大雪山頭戴玉冠
開卷君詩無限暖
百花齊讚大吟壇

訓觀顯堂王若庭高士贈詩

業海茫茫盈善惡
吉凶報應以爲淵
馮君廣說因緣果

引眾咸登趨避船

讀淨空老法師九十年譜

今古塵寰一戰場
無人首肯卸戎裝
和平萬國誰能致
釋道回耶天主堂

淨空老和尚，倡導各大宗教和平相處，互相尊重，
以為世界和平之本。詳見淨公九十年譜。

贈段鑄道長馬祖珍師姊賢伉儷

羲皇一畫開天地
太極渾然始有門
學聖羣生何以入
卦爻萬法唯心論

淨公和尚弘法六十周年

六十年來不歇輪普教芸眾了凡塵娑婆惑業殊難盡
導作西方光壽人

讀張人俊學長戎馬回顧錄

攘夷大任從天降內起烽煙不計秋戎馬旌旗無歇日
允爲砥柱立中流

讀吳道文學長歲除閒話守護神

神荼鬱壘又鍾馗除歲迎春守護楣幸得鴻文言以道
人間邪魅去無遺

憶師熊公復光

詩書涵養筆生花著作堪云度滿家最是上庠行化雨
芬芳桃李散天涯

師曾任國學大師馬一浮祕書。遷台後，與業師雪廬
老人友善。旋任宜寧中學校長，並執教中興大學文
學院。後移美國，越數年，歸西安養。民從師學書
法，為時頗久，深感恩誨，不能忘懷。

憶師蔡公藻廷

管絃春暖教諸生桃李欣欣日向榮壽盡安詳如入睡
再來木鐸振書城

師，純儒也。春風化雨，以教諸生。民寓台時，不

通音訊。後得還鄉探親，聞師第四兒媳之言，知師臨命終時，安詳自適狀如入睡。是以信師再來人世，復以禮樂，教化生徒。

雪門胡秀美老師安詳往生

聖號誠中心不亂病來正好脫凡塵安詳西去頻回顧
願返娑婆轉法輪

胡老師執教於省立台中女中，退休前後，皆在台中蓮社精進學佛，勤持聖號。民紀一百有七年元月二十二日西歸。

勉修淨業

百歲韶光彈指間忙忙碌碌不心閒
洪名日日無暇念
怎得橫超生死關

弘儒

孔顏心法教學回羨造英倫
優秀才桃李春風吟送別
訓如秋水絕塵埃三環朗誦欣未已
欲和尋辭敲復推
唯仰乘桴游海外歡迎載譽大詩魁

張教授清泉，應聘英國威爾士大學漢學院，執教儒經，載譽歸來，以詩言志。幸讀三環，次韻訓之。

夢會黃夢飛

肥城南向到潛川往事猶新俱現前
漏盡更殘春夢曉與君相隔在天天

世事若如莊蝶夢與君夢覺實難分
既然夢覺難分辨好把君書日夜聞

英國威爾士大學漢學院周院長春塘公生西頌

聞公歸駕至蓮鄉禮樂於今待發揚
遙想悲心無限量娑婆速望返慈航

應朱菩提師兄邀作三居士生西讚

其一

一句洪名十八年臨終灑脫到西天
若非如子常思念怎得阿彌陀現前

湖南史採英居士，念佛十八年。於民國九十九年，

往生極樂。享壽六十有三。

其二

日念洪名經八載大慈悲聖現前時
往生正定無顛倒功在平常相繼持

金山郭許菊居士，每日念佛，經八年之久。於民國

七十八年安詳往生。享壽八十又七。

其三

讀史深知生滅世勤修淨業歷多時娑婆眾苦殊難忍
備足資糧到寶池

台南程晉威居士，台大歷史系畢業後，深感世間生
滅無常之苦，乃入吾友朱菩提師兄道場，勤修淨土
法門。於民國九十五年，往生極樂世界。享年二十
有四。

恭讀印祖勸發願詞敬書絕句二首表有似悟焉

祖師詞曰：

應當發願願往生、客路溪山任彼戀。

自是不歸歸便得、故鄉風月有誰爭。

詞旁題曰：

爲靈巖常住書此、以期來賓同生淨土。

庚辰中秋釋印光書。時年八十。

羈旅不知身是客戀居客棧以爲常祖師勸發生西願
極樂原來是故鄉
綠水青山非己有不應爭取不應瞋唯須患難相扶助
同是天涯作客人

蒼蠅

方趾圓顱身已失緣何踐履聖言書料應自懺前生業
願汝勤脩人之初

讀華夏道統源流圖

三皇時代遠已矣五帝當從伏羲始渾淪太極兩儀生
八卦倫常於是起衣冠音律肇軒轅堯舜讓賢無與比
君臣朋友道義交忠信明心若秋水中華王道一統宇
貫穿文字載於書求其讀誦人皆曉顯見何如道統圖
聖賢像貌栩栩生觀者莫不歎爲止借問作者此爲誰
國畫大師江逸子

聽陳昭儒學童彈古琴（昭儒是陳公尚德牙科
大醫師之子）

詩仙下自彩雲間一日輕舟萬座山此景問誰能入曲
君琴秋水洗塵寰

琴音出自李白早發白帝城

慰安婦像立於臺灣

年華女少瓊枝發未料枝頭壓霜雪枝頭春日不勝寒
無處能尋一點熱後來霜雪雖然消瓊枝卻已悽殘缺
問知霜雪何所由太平洋中一島國強抓弱女供蹄蹂
徒具人形無人德動武侵華不自量猶若小蛇吞大象
陷入泥淖不能拔終致投降謝上國慰安女像立臺灣
婦女尊嚴不可奪但願彼邦肇禍人從今改善不作惡
第一座慰安婦銅像，於民國一百有七年，西元二〇
一八年，八月十四日，在台南揭幕。設立在國民黨
市黨部旁空地。

讀雪廬老人法語

憶念生轉熟成功可預卜聖德廣無邊歷歷在心目

雪公法語：

憶佛念佛，分理與事。念茲在茲曰念。

明記不忘曰憶。斯可淨念相繼，道果易成。

憶故鄉律師蔡公敬臣先生

遠作秋官載譽歸律師聲望故園飛人雖早已生天道
容貌疑猶未久違

蔡公為秋官，為律師，皆張正義。方諸亂世，難能
可貴。

憶表伯父錢公壽南

禁居清淨白衣庵相處羣醫怨不堪亂世無言唯好酒
到時割頸也心甘

公精醫術，逢亂世，遭誣告。與同業共居白衣庵。

日日飲酒，自得其樂。同業怪而問之。答曰：到時

蒙冤割頸，愁怨酒消矣。公，幽默達觀，雖履險而

不介意，是樂天派也。

贈同鄉老友葉子大沛婺源綠茶

君自婺源來婺源茶最好夜飲齒留香雞鳴不覺曉

又

我本徽州人世亂常爲客每誦子清辭輒夢故鄉月

淨空老和尚弘法六十周年

佛法弘揚六十年救生海上大悲船千經萬論西歸指
悉得彌陀出手牽

華藏淨宗學會成立三十周年大慶

華藏淨宗欣而立汪洋救難無歇日芸芸苦眾得悲船
度到西方成佛必

九十一歲生日偶成二首

其一

老來依舊坐蒲團
好把資糧盛玉盤
臨命終時捧獻佛
池華迎見兩相歡

其二

極樂神馳不計秋
洪名時刻掛心頭
若能念念皆相應
乃得欣登彼岸舟

壽康歌

活動身與腦
三餐七分飽
長壽又健康
報告人人曉

聯合報民國一零七年十一月十三日星期二A9版載，

陽明大學特聘醫學教授蔡亭芬建議，欲得健康長壽者，必須每天運動、吃飯七分飽。

維摩詰經講畢即興二首

其一

維摩詰經深若海
入洗塵心如亮月
法輪普轉願無休
廣度眾生不分別

其二

今夜維摩經講畢
心似空空無一物
如希大道速其成
最是欣求生淨域

孔德成先生百年紀念會獻頌三首

其一

韋編三絕叩乾坤至聖先師萬世尊
無位素王超有位永傳木鐸子孫孫

其二

德公承作大儒師弘道周遊世仰知
應聘上庠教禮樂遺文悉是了凡詞

其三

垂公紀念祖先翁一脈承傳化育風
末世蒼生多昧道願公善巧教羣蒙

阿彌陀經開講綴言二首

其一

慈悲無盡是能仁特說西天萬象真
堪忍成佛三大劫一生極樂壽光身

其二

彌陀賢首兩經筵文字懸殊義理圓
同指西方光壽國無明煩惱一生捐

勝妙法師任英國威爾士大學漢學院長

潛藏勿用隱龍宮一旦雲從駕上穹
今長英倫漢學院中文化雨沐春風

又贈楊東儒復健醫師

愈我弓腰指板機仁心春暖杏花飛
不爲良相從來少環顧而今更曰稀

又贈陳文秀醫師

仁醫濟世出仁心拔萃湛然術最深
踏破芒鞋何所覓眼前法雨灑甘霖

晨起讀易

潛飛而後有亢龍無首方能辨吉凶
人爵不堪言道業反聞太極自鳴鐘

行年九十二生辰

世亂辭親難以鳴蓬萊作客度浮生
老來自視無他好隨興吟詩養性情

世風不競兄弟相殘

環顧時風嗟日下如何以道語兒曹
謙卑順俗無喪志航海乘桴手一篙

讀曹植七步詩

七步詩成竹在胸難言手足感情濃
相煎自古存遺憾今世更無兄友恭

大陸諸君子參與臺中蓮社一百八丰寒假明倫
講座結業賦歸歡送二首

其一

三皇五帝子孫堂今日相逢在此方
講罷賦歸無異處穹廬籠罩大同鄉

其二

中華大道不宣奇平等心情待四夷
君子學爲眞善美善哉至美美如詩

大陸學道之士九位來訪

其一

駕臨相見樂相知愧對高朋無以遺
只秉雪公弘道意諸君帶去好敲推

其二

雪公昔與人談道不使眾生起煩惱
良朋持此回家鄉以告親友並問好

贈四川高士王海涵

大道能弘能護持倒懸苦衆命如絲
賴由高士慈悲救解脫芸生無歇期

贈大陸來訪諸學道之士

現在娑婆諸眾生無有一人無煩惱欲求脫苦唯西天
樹動微風池七寶

贈聯合國教科文組織淨空之友社

三皇至五帝華夏人文本三皇遠蒼茫五帝開混沌
伏犧世結繩畫卦乾坤定卦含五倫常造極明心性
王道以是行修齊天下平言王不言霸全球親弟兄

贈劉公泰階學長

鳳山五塊厝潭子至心田裝甲戎衣日潛龍飛在天
今朝人悉老相顧雪盈顛感謝君邀宴笑談童叟年

泰階學長弱冠從戎，為軍校入伍生，後改編為裝甲
兵三十七大隊，至今已歷七十年。民國一百有八年
三月三日，為裝甲兵節。泰階學長邀昔日同袍，宴
於台中市國軍英雄館。醒民亦受邀與宴，感其念舊
之誠，拙吟五律一首，以誌其盛。

憶劉公光澤先生

襄辦復興功最多為民喉舌筆懸河掛冠非履陶公迹
濁世誰堪隨濁波

抗戰時，張公宗良創辦復興日報，任吳公博全為社
長，劉公襄之，功績卓著。後以社風漸下，劉公辭

去，不隨濁流也。

贈東勢勢至念佛會

字字從心起聲聲入耳根洪名一念熟法爾出乾坤

民紀一零八年九月二十一日還鄉探親

中秋節後故鄉行漫步三塘印月明澗水有音知有意
長流不息濯吾纓

溪聲聞似奇禽舌海外歸來顛戴雪與其消雪了無功
不若澄心見明月

少年辭別走天涯海外常居且作家追遠歸來親木拱
瑩前拜倒淚如麻

自本弟配黃臘英一零八年二十四日凌晨安詳

生西

相夫教子古賢風無疾生西曙色中乘願回來堪忍界
好施芸眾樂無窮

淨公和尚弘法六十周年華藏淨宗學會成立

三十周年大慶

高僧座下立高風遍拂塵寰塵去空大法傳承施法雨
只言潤物不言功

贈高雄青蓮念佛會

漏盡雞鳴天欲曉高山初日照高林
洪名念念常相應
寶樹微風出妙音

青蓮青色發青光德水深含微妙香
不患塵寰塵垢滿
寶池灑淨徧十方

贈戴昌成醫師

道術忘憂魔術高一揮道手病魔逃
問君何以能如此
苦海慈舟任意操

贈悟忍師

覺道圓成在法華指歸樂國客還家
從師認得故鄉好
鳥語微風無有涯

贈如鴻黃師姐

從師學去病魔術煩惱諸魔猶隱居
去得一分煩惱後
病魔抱首竄無餘

贈祝東敏世兄

太極渾然何有門以磚啓發在乾坤
入觀滿眼珍奇品
好把一心密密存

東敏是昔日老同事祝河鼎之令郎

家訓二首

人生似鳥同林宿大限來時各自飛
記取此言恆日省
姻緣相敬不相違

一世夫妻百世恩
哲言當把直心存
人和必自人相讓
益己兼能益子孫

八月十五月色

弦月至圓圓又缺
圓圓缺缺何時歇
浮生圓缺了無期
唯有西方月不缺

突聞老友張立中辭世哭之

故園施化雨進學復興崗
志立千秋業心懷日月光
兼脩超世法天爵勝尋常
一旦離塵俗驟聞淚滿裳

夢登泰山

夢在泰山頭果然天下小
忽聽金雞鳴塵寰一覺曉

臺中蓮社己亥圍爐

雪公弘法法無量
多士直心聚道場
今歲圍爐風日好
飯蔬碗裏藕花香

肺炎災

鼠年劫禍肺炎起紛發全球不能止
專家相繼覓其源或謂斯由蝙蝠始
或云災難降於天焉得罪歸一物已
人禽相食無相絕無相絕兮災無竭
若求災劫勿再來網羅野味何日歇

故園情景

我家門對小黃山繞宅清溪水一灣
後傍青龍諸祖墓前瞻白鷺落田間
源歸大海思先澤草木凋零想故顏
追遠慎終承聖教詩情三百誦三環

故園者，徐家塆也。舊屬廬江縣磚橋鄉，抗日戰爭

時，為徐塆保。今為合肥市廬江區礬山鎮徐塆村
矣，謹作一律以誌之。

東海大學覺音學社五十周年大慶

大道弘揚五十年靈鷲山下湧流泉
泉清似是蓮池水四色蓮開光壽天

會公法師菩提老友合照法相

高僧高士緣何會苦海慈舟救眾生
彼岸指歸非異處西方極樂大光明

吳公延陵慕亮為其高徒秀財網廖英琪索題二首

天下金銀積若山誰能不欲趣登攀一朝水火刀兵劫
散盡儲存無有還

百寶無如七寶財慧心施捨慧顏開苟能見得真金庫
不盡江河滾滾來

孟謙
萱錡世兄結婚之喜

關雎和唱在河洲淑女幽閒君子逌琴瑟悠揚成嘉禮
葩經三百子孫脩

吳公慕亮攻易學激詩應以七律一首

羲皇一畫兩儀生天地門開放大明萬象從來多變化

爻分六位示乾行芸芸羣眾皆昏昧三界三途無了程
唯有聖功蒙養正喚回太極自心清

端午節詩人節山東三大吟壇激詩應二首

端午吟

汨羅江上龍舟競鼓浪聲聞眾錦鱗素守清波常在定
焉知喚起獨醒人

詩人節頌

舜廷教曰詩言志三百離騷一是純欲問風人何所趣
源泉滾滾了無塵

台灣選舉

瘟疫同時弄選情
黎民滿眼見紛爭
紛爭皆是爲人爵
天爵良疇誰去耕

讀項羽本紀

力恃拔山氣蓋世
重瞳疑是舜苗裔
惜乎不解先人風
竟與烏江水長逝

九十三歲吟

浮生九十又三年
心滿塵埃雪滿顛
自問資糧充也未
神先遊覽寶池邊

展望

鼠年肺疫染全球
洪水傾盆碧落流
展望春來牛性好
災消雨順灑平疇

水災

全球洪水無暫歇
或是銀河堤岸裂
或因濁浪惱龍宮
咸曰攘災爲上策

讀否泰二卦

緣何天地不相交
只爲三陰作六爻
一旦迎春風日暖
泰來寒暑應時拋

夢

事如春夢悉皆空何以偏偏入夢中夢覺一如非我詣
但期無著似飛鴻

讀史二首

其一

唐虞以後夏商周天下爲家禪讓休自是有家即有滅
滅時常恨淚常流

其二

朝代有興即有滅興興滅滅何時歇欲求無滅只有興
王道行之不可絕

霸道

太平洋上太平舟霸艦橫行天下愁縱使滿洋皆此艦
王城池裏一浮漚

東勢勢至念佛會四十周年大慶

念佛猶如子憶母一心持去不曾忘行年四十行無惑
展望前程大放光

贈葉子大沛綠茶

君子從來好綠茶霧騰碗裏似雲霞更殘興起吹簫笛
折取桃源世外花

又贈勢至念佛會

學在靈山泗水鄉
恒沙世界入經囊
詩書貝葉開心眼
洞見蓮池照夕陽

示凱玲

中庸教曰致中和
不患人間煩惱多
無論是誰來唾面
自心清淨念彌陀

醒廬詩集再續集

廬江徐自明醒民著

韶廷世兄
涂昱小姐
結婚之喜

關雎和唱在河洲
淑女幽閒君子逑
敦厚齊家兼善世
人天之爵一同修

韶廷是老友禎士之子

詠竹贈景霞凌師姐

虛心身直動微風
似曲音聲聞上空
枝葉逍遙誰與竝
南山比壽壽無窮

贈民間公證人林貞秀

離會因緣人世多
真心調理悉平和
高懸明鏡無偏照
兩造欣然俱載歌

東勢勢至念佛會四十周年大慶

淨法弘揚四十年
功高足以透雲天
洪名憶念皆相應
珠水長流不盡川

鹿港佈教所六十五周年大慶

六十五年不歇航
度生端賴大醫王
舟行鹿港人天仰
西指遙通光壽鄉

九十四歲吟

學道行年九十四
已知不復立如松
但期身曲心平直
無怨無尤聽晚鐘

謝公昭成興建園圃

致仕歸來興建圃
微風播送菜根香
享人自享皆趨吉
細品深思韻味長

又九十四歲吟

鏡影窺來頭戴雪
多謝生涯腰磬折
但期立曲坐如鐘
顧與青春無甚別

又九十四歲吟

農曆十月二十一生我母親苦樂日時摩臍穴想深恩
好把身修毋放逸

贈李公明哲先生

行走潛飛入網羅何辜待割下油鍋幸逢大德悲無盡
救放還歸養至和

哲公多年放生無數功德無量

伯安棣入臺灣大學脩中文博士

中文如木深根本枝葉摩天蔭世閒化雨春風成博士
好將所學洗塵寰

訓王公炯如師兄

雪園桃李三千本枝葉參天根柢深欣見師兄成化雨
一泓秋水印詩心

贈石家莊丁艷菊居士

一句洪名無量光恆沙遍照寸心藏不堪思議誰思議
開士開軒大道場

訓吳道文學長贈其所著西方藝壇大師小傳

美術無分中外域圓融君子普弘揚歷年大作隨緣展
藝與人生並壽康

蘇州靈巖山圖

靈巖山色秀無倫尚有吳宮楊柳新最是印公來建寺
廣弘淨土度黎民

此圖是菩提朱師兄在靈巖請得複印一分贈余

霧峰佈教所重建落成之慶

重興教所慶增祥大道承前大放光啓信人閒難信法
持名普度壽無量

高峯旭日承先照

濃霧晨光放早明

贈德明家園同修會

大廈仁居德澤鄰普施法雨洗凡塵和風吹送人閒世
萬有欣榮萬色新

贈雲南昆明夏易平居士

昆明池水作甘霖灌入心田清且深景仰賢文凭岸照
光天一色好長吟

題朱子菩提師兄謁靈巖山明學長老合照

印祖關房道德深明公承教掌高林菩提居士來親近
合照欣然見會心

雪公創辦明倫月刊至今五十周年誌慶

創業艱難守亦難赤心捧出與佛看廬山有道爲圭臬
泗水無塵作鏡觀此是明倫肩上任刊期五百謹毫端
雪公極樂常懸念弘護迢迢路自寬

贈美齡具壽及其令妹

鬚髮懸從頂三千絲待梳一經高妙手煩惱盡無餘

訓新竹五術文化會館吳公慕亮

五術文章術數多平民宣化口懸河無邊苦海離生死
名利心空念彌陀

蘇州學道書院題辭（代大敬法師作）

大哉孔夫子言道在羲皇太極羣生本斯爲聖學堂

（缺題）

九四之年身何似惜哉耳目欠聰明腰弓駝背須扶杖
幸可勤學眾鳥鳴

（缺題）

高齡九五身何似難曰依然挺起胸普度羣生豈易許
蓮池德水出芙蓉

孫嘉佑善童子安詳往生

聖號誠中心不亂罹癌恰好脫根塵預知西去猶懷願
速返娑婆轉法輪

一〇七年四月二十九日廣州孫德端九龍書院院長述

其子孫嘉佑往生事迹請題字

題「至孝童子孫嘉佑往生紀實」其子孫嘉佑二〇一

七年往生得年十六歲

贈有發大居士

華夏文章有大道

祇園德樹發瓊枝

憶師鐸公

亦佛亦儒爲大士

曰禪曰淨超凡塵

海峽

天地渾淪如巨蛋其中人物樂同羣原無兩岸遙相對
一水間之似有分

蓬島有是醫

良醫不作作良相塗炭生靈相不相天問蒸民何有辜
相曰混乎難算帳

黑鷹直升機墜毀烏來山區

黑鷹墜毀烏來山似是推敲選舉顏票匭一朝分曉後
空留黑影在人間

悟莊法師在澳洲建淨宗學苑漢學院弘揚五經

四書

詩書易禮與春秋是謂五經人必修論孟中庸暨大學
華文根本好勤求

雪公教曰不使衆生起煩惱

已欲與人皆和好不使衆生起煩惱眞言實語受於師
書在紳端記在腦

贈心亮律師

伏羲一畫兩儀生羣衆芸芸見月明此際此心何所似
無埃秋水竹絲聲

贈林永義道長

春風徐暖秋水天長
子時寒夜不結冰霜

林公時任最高檢察署檢察官

贈周氏家權高士

羲皇一畫兩儀開萬里雲消月自來覺起推窗觀月色
清光似水絕塵埃

夢

夜閒夢夢知多少夢去夢來何時了晨雞茅店放高鳴
願與塵寰一覺曉

旱

農田無雨春耕廢鑿井涓涓已甚深莫問蒼天何以故
但思燥熱在人心

雪公常入夢

師歸樂國已多年民夢時常在席前欲報深恩歎罔極
願乘苦海度生船

幹校四期畢業六十有五丰宴會

回顧年輕方畢業不期轉眼皆耄耋六五周慶聚一堂
相見滿頭如霜雪或扶病體頓忘憂猶若康安心甚愜
將來再宴盡歡時互祝老當益壯色

哀悼李登輝

生前百戰登高位身後難辭一聚塵權力巍巍從者眾
無常歲月不饒人

李於二〇二〇年七月三十日去世壽九十八歲

贈製帽廠魏世明廠長

君子能開製帽莊容顏煥發見祥光積功明道人稱讚
普造羣生福壽康

（缺題）

小猴車撞路邊死其母抱屍痛不止誰云異類異於人
且看母猴是人否

二零二零年又八月三十一日聯合報B版載

贈四川成都百家堂姓氏文化博物館

望江園畔稻禾香耕讀傳承萬世昌聖教人人能盡孝
成都永樹百家堂

贈四川綿竹吉祥寺住持宗誠法師

經文三藏深如海救苦慈航海上行苦眾未能皆上岸
慈航破浪鼓航程

贈四川王海涵高士

儒士行吟泗水濱詩言三百露情真欲明此志爲何似
秋色藍天不見塵

四川綿竹吉祥寺觀音閣對聯

普應有求觀自在
行深般若度羣生

民紀一百一十年四月二日火車太魯閣號出軌

重災前此黑鷹戰機墜毀

蓬萊三世換新朝遍地哀鴻對紫霄太魯閣災戰機毀
何當災火一時銷

新冠肺炎

肺炎來勢兇如虎吞食蒼生不吐骨射石飲羽人再來
好把頑石化沃土

台灣省立台中圖書館五任館長

大哉劉宋馬陳程柱史由來有道行屈退逍遙遊自在
青牛背上抒閑情

五位館長為劉公紹安宋公新民馬公廣亨陳公祖榮

程公良雄余幸緣遇于館中今以全球流行肺炎與毒

變台中蓮社暫停講經余得閑居謹以絕句陳五館座

誌緣也

聞景霞凌師姐往生極樂世界

其一

夫壻高飛不計秋晨昏兒女侍無憂忽歸極樂誠然樂
苦海蒼生望返舟

其二

娑婆眾苦皆能忍苦盡蓮池浴法身最是悲心還故國
弘揚大法不停輪

肺炎風火

肺炎世界風吹火若想逃離何處可相希大難速消除
快放心蓮紅朵朵

訓五術師吳公墓亮

慕亮學亮五術爲亮三訪高廬出將入相

疫苗

肺炎如火不停燒遍地人人打疫苗禽獸網羅充飽食
欲除災禍路迢迢

（缺題）

混沌初開太極門羲皇一畫定乾坤森羅萬象恆沙界
轉念無生念念存

故園小景

官庄嶺下一沖田浣女清溪水見天常住異鄉愁未解
閑來回首誦詩篇

中秋月二首

其一

微風無雨中秋節
萬里無雲唯明月
嫦娥見問爲何明
圓照人閒無殘缺

其二

中秋夜裏觀明月
纔見圓時即見缺
勿求人世月常圓
唯有西方月不缺

讀世姊王氏梅南敘母凌氏景霞往生極樂文

長壽班中一景霞
西歸上品寶蓮華
十萬億土非遙遠
一念相通乃到家

訓炯如師兄贈雪公早丰與諸弟子在溪頭合攝

法像

雪公西去已多年
慈貌悲心復見前
侍者如如承大道
常爲苦海救生船

訓延陵堂吳公墓亮

吳公獨稱亮詩作
難和唱一聽泰山頭
雞鳴天大亮

夢

煙繞青山環故里
潺潺流水入清川
雞鳴覺起知爲夢
多事塵寰一夢然

論語講習班第十九期學員結業二首

其一

國學精華在論語當爲君子至誠脩說乎時習明心性
化雨成溪長遠流

其二

雲頂青山十九峯峰化雨喜春風相期聞鐸人閒世
大道傳承無有窮

民紀一百一十年辛丑十二月台中蓮社圍爐

無風無雨夜微寒煖煖爐邊好聚餐碗底菜根香不散
口中回味似梅蘭

寅虎年

其一

威風寅虎歲萬獸仰高岡猴子難行霸好來拜獸王

其二

行歲九十五辰龍遇寅虎不欲上飛天觀笑過溪語

其三

行年九十五回首多辛苦我有有我爲無我載歌舞

訓孔公垂長夫子賀年卡片

歲逢寅虎天下聞風高岡一嘯萬象從通

台中蓮社道風

親承印祖道立台中現身居士弘護無窮
憶佛念佛極樂遙通雪公是作蓮社之風
式銘雍政暨諸同仁教正

九十五歲吟

其一

辭親年少走天涯好像飛鴻踏雪花歇足海隅渾似夢
覺知光壽本來家

其二

浮生九十五年頭萬物遷如川水流誰曰此流能暫住

詩宣壽國莫言休

明倫講堂在大坑興建落成

山境大坑好明倫建講堂春風時化雨桃李滿宮牆

鹿港佈教所六十八周年大慶

鹿港西來四色蓮微風鳥語妙音宣池光寶樹爲絲竹
詩樂遙聞極樂天

聖照老和尚紀念堂對聯

教化三根學子

道傳一句洪名

聖照老和尚銅像聯

戒德恆垂後世

悲心徧照人間

藝能會所（代心亮法師作）

藝能通貫真常道仁者循脩心自明會盡世間有志客
所云宗仰性皆平

讀論語堯之為君章偶成一聯

鴻雁勞飛天有際

龍魚晏處海無邊

苗栗獅頭山勸化堂董事長之父真修老沙彌長者

一〇六歲注生輓聯

真修長者生西安養

久現沙彌身常處塵寰行大道

往生安樂土還來苦海作慈航（代作）

真公長者生西安養

今世高齡生樂土

他年大願返娑婆（代朱菩提居士作）

真公長者生西安養

一句洪名超濁世

三根信士仰仁風

為南投縣魚池鄉實際蘭若撰聯（住持海山師）

一句洪名老實念去

三根善士此際齊來
（代朱菩提居士作）

為南投縣埔里鎮寶昭精舍撰聯（住持如道師）

尋得寶山云何開採

諦觀昭示謂向西求
（代朱菩提居士作）

代紀潔芳紀海珊師姐作輓母聯

萱草春凋大地不寒女兒心冷

蓮華旦放西天輸暖慈母恩深

吳逸叟慕亮大德治易謹綴詩一首呈請教正

羲皇一畫兩儀生太極因循啓大明萬象爻辰通變化
千秋定位示乾行六塵六道咸昏昧三界三途識旅程
唯有聖功蒙養正喚回本體應勤耕

國寶師兄
月娥女史
結婚之喜

二南聖教已聞思琴瑟音和唱友之最是今朝成淨耦
宿因紅葉久題詩

信萱世姊
Matthew Baker先生
結婚之喜

好學周南結晉秦抒情言志不同塵詩書有味風歸厚
弘護人間第一倫

（缺題）

牧童牛子兩怡如一伴慈親一伴書伴到言思歸默處
蓮風搖曳柳風徐

教女壻志萍長女美玲

一分太極兩儀生覺起推窗見月明秋水藍天塵不染
微風動樹妙音聲

贈教師琦雯二首

其一

諸生難教化容忍自能平大任從天降苦中振鐸聲

其二

一園桃李美如詩吟誦春風如沐時只待輕鬆施化雨
功勞不愠無人知

隆華
怡安結婚之喜

今世姻緣宿世脩好將琴瑟伴睢謳先王禮樂倫常道
一切皆從和字求

功德芳名錄（恕略尊稱）

林	李	李	柯	林	林	林	周	蔡	陳	蔡	蔡
政	佩	再	秀	宗	許	司	杏	興	美	楨	荷
鞍	芸	立	葉	猷	燕	亮	容	松	秀	華	生
			貳				壹			柒	
			萬				萬			仟	
			元				陸			元	
陳	詹	鄧	劉	劉	陳	吳	吳	陳	吳	葉	吳
碧	鎮	達	鳳	孟	仁	有	秉	杏	冠	柄	包
雲	熊	中	荷	真	君	銅	駿	玫	儀	究	包
		伍	肆	參	參	參			參		
		仟	仟	仟	仟	仟			仟		
		元	元	元	元	元			元		

普為出資及讀誦受持展轉流通者回向偈曰

願以此功德 消除宿現業 增長諸福慧 圓成勝善根
所有刀兵劫 及與饑饉等 悉皆盡滅除 人各習禮讓
一切出資者 展轉流通者 現眷咸安樂 先亡獲超昇
風雨常調順 人民悉康寧 法界諸含識 同證無上道

國家圖書館出版品預行編目(CIP)資料

醒廬詩集：初續再續合刊/廬江徐自明醒民著. — 臺中市：
明倫月刊社，民112.06

面；公分

ISBN 978-986-95856-8-2(平裝)

863.51

112009007

初續再續合刊 醒廬詩集

著述者：廬江徐自明醒民
出版者：明倫月刊社

印行者：臺中市佛教蓮社

出版日期：民國一十二年六月
承印者：昱盛印刷事業有限公司

地址：臺中市北屯區橫坑巷六十六之一號
電話：(04)22226017
傳真：(04)22227695
網址：<http://www.minlun.org.tw/>
地址：臺中市南區民生路二十三巷十四號
電話：(04)22223737
傳真：(04)22223882
網址：<http://www.tclotus.net/>
地址：臺中市西屯區永輝路八十三號
電話：(04)23138378

非賣品·歡迎洽印·展轉流通

初續再續合刊

醒廬詩集

廬江徐自明醒民著

